

جَزَائِرُ مَحَاكِمُ

❖ صالئ ❖

نومرو	ربيع الاول	سنه	كانون ثانئ	سنه	صحيفه
٢٣٦	١٦	١٣٠١	٤	١٢٩٩	١٨٨١

- ❖ اشبو غزته بهر هفته صالئ كونلرئ چيقار . سنه لئكئ مجيدئ ائقه الشمس غرو شدر بهر نسخنه سئ الشمس
- ❖ پاره مجيدئ به اوله رق هر یرده صاتبلور . درج اولنه جق اعلا ناك بهر سطرندن ايكي غروش النور .
- ❖ سنه لکنه مشرئ اولق استيانلر عدليه نظارت جليله سئ اوراق مدير لکنه مراجعت ائمليدر

بر محکمه نك دائره سنده بونلرک تو کيللرئ مجبورئ اوليه رق مجله احکام عدليه نك کتاب الوکاله سئ احکامته توفيق معامله اولئسئ تأمين مقصده مدار اوله جفنگ دائره تفتيشيه لرنده بولنان محاکمه تبليغئ ضمننده اشبو تحرير ائک نسخ کافيه سئ لفا ارسال قلمش اولقله بر منوال مشروح ايفائ مقتضامئ

- (عدليه نظارت جليله سندن في ١٩ كانون اول)
- (سنه ٩٩ تاريخه در سعادت و ولايات عدليه)
- (مفتش لکرينه يازيلان محررات صورتيدر)

محاکم نظاميه ده دعوى و کيللرئ نظامنامه سنک طشره محاکم نظاميه سنده دخئ مرعئ الاجرا طو تلسئ لزومنه دائر اجرا اولنان تبليغات اوزرينه از مير و سلا نيك و بغداد و شام و قونيه کبي جسيم شهر لر محاکمده دواو نيك مقدارئ ايله متناسب بر خيلئ اشخاصه نظامنامه مذکور احکامته توفيقاً دعوى و کالتئ رخصتنامه سئ اعطا اولئش ايسه ده بلاد و قصبات و سائر ده انجق برر ابکيشر رخصتنامه لئ دعوى و کيلئ بولنه بيلوب بو مقدار ايسه و کالتئ انحصار دائره سنده بولندير لسيه دعاوى حقوقيه نك سوء استعمالته اوغرا دلسئ مستلزم اولديغندن و بعض محاکم دائره لرنده دخئ رخصتنامه لئ و کيل بولنمديغندن لا اقل بش نفر رخصتنامه لئ دعوى و کيللرئ بولنمئان

- (عدليه نظارت جليله سندن في ١٩ كانون اول)
- (سنه ٩٩ تاريخه در سعادت و ولايات عدليه)
- (مفتش لکرينه يازيلان محررات صورتيدر)

مأموريندن اولان مديونك استيفائ دينئ ايچون توفيق اولنه جق ربع معاش نك تفر يقيله دينئ حکم ايدن محکمه اجرا دائره سنه ارسال لزومنه دائر محاکم رؤسائ طرفندن اجرا اولئمقده اولان تبليغاتئ اکثرئ نتيجه سز قالمقده و بونك باشليجه سبب اشبو

ربع معاشی توقیف ایتمکله مکلف اولان مال مأمور لرینک اھمال و مساحدری اولدیغندن بوندن طولانی وقوع بولان شکایاتک تدقیق اسبابی نتایجیله تعین ایتمکده اولوب تبلیغات قانونیه نك نتیجه سز قلمسی ایسه محاکمک اخلال نفوذی ایله مصالح حقوقیه نك تعطیلی مستلزم اولدیغندن بو باده تأمین مقصده مدار اولق اوزره استیفی دینی ایچون مدیون مأمورک بجا کدن وقوع بوله جق اشعار وجهله ربع معاشنک توقیف وارسالنده اعتنا و دقت اولغنی خصوصنک ایجاب ایلدیلر امر و اشعار یورنش حقیقده مقام سامی جناب وکالت پناهی به تقدیم قلمنک تذکره به کلان جواب سامیده کیفیت بالجمله دوا ره و اولیاده و لایانه تبلیغات اجرایی دخی داخلیه نظارت جلدیه سنه تبلیغ قلمدیغی امر و اشعار یورنش اولغله معلومات اولق و محاکم و دوا ره اجراییه سنجه اولوجهله معامله به دقت اولغنی لزومی رؤسایه بیلدیرلک اوزره اشبو تحریراتک نسخ کافیه سی لفا ارسال قلمش اولغله برمنوال محرر ایضای مقتضایی

(ایکویز اوتوز بشنجی نومرولی جریده محاکمه)
(مندرج اعلامک بقیه سی)

کوسترلش اولوب تبلیغنامه ده دخی اساس دعاویدن معدود اولان و قانوناً تنظیمی لازم کلان محاکمه ضبطنامه سنک اصول محاکمه قانونک ایکویز الی برنجی ماده سی موجبجه هیئت اتهامیه مضطبه سی علیه نده مفسوخیت ادعا سننده بولنوب بولمیه جنی ایچون متهمک استجواب اولدیغنه دأر صراحت کوریه مدیکنه بناء اوچویز اون در دنجی ماده موجبجه اعلامک تقضی طلب اولمشدر

اوراق ساره دخی قرائت اولدوقده نصکره تدقیقات

تمیزیه به ابتدار اولدوقده خصوص مذکور حقیقده اجرا قلمنک تحقیقات و محاکمه اصول محاکمات جزاییه قانونه و مرقوم همت حقیقده صادر اولان حکم دخی جزا قانونامه همایونه موافق کورنش و تبلیغنامه ده بیان اولسان اعتراضه کلنجه متهمک مفسوخیت ادعا سی حقیقده محاکمه نك قرار قطعینک صدر رندن صکره دخی استعماله صلاحیتی درکار اولدیغه بناء قبل محاکمه استجواب ایلدیلش اولغنی نقض حکمی موجب کوریه مامش اولدیغندن اعلام مذکورک تصدیقده و خرج ترفه سنک قرقجی ماده سی موجبجه تمیز اعلامی خرجی اولان الی یوز غروشک اخذ واستیفاسنه اکثریت آرا ایله قرار ویرلدی

(فی ۷ محرم سنه ۱۳۰۱ و فی ۲۷ تشرین)
(اول سنه ۹۹ تاریخی و بیگ اوج عدلیه)
(محاکمه تمیز جزا دأر سنندن و بریلان اعلامک)
(صورتیدر)

منتشا سنجانغی بدایت محاکمه سنک فی ۱۹ شعبان سنه ۱۳۰۰ و فی ۱۲ حزران سنه ۹۹ تاریخی و یکریمی درت نومرولی اعلامیه اوراق متفرعه سی آیدین ولایتی مدعی عمومیلکندن با تخریرات ارسال و باش مدعی عمومیلک مأموریت بهیه سنندن دخی فی غره ذی الحجه سنه ۱۳۰۰ و فی ۲۱ ایلول ۹۹ تاریخی و اوچویز طقسان سکر نومرولی تبلیغنامه ایله محاکمه تمیز جزا دأر سنه اعطا اولمشدر

مذکور اعلامک مالی سومباکی اطفی چویان بقوله نك خانه سنی باصوب نفود و اشیا سنی غصب ایتش اولمزدن طولانی جنایتله اتهام اولتان مرمریس قضاسنه تابع ایلیاقر بهلی علی اوغلی شکری وزوند

اوغلی علمینک اجرا قلمنک محاکمه علنیه ده مزبور بقوله نك خانه سنی باصودق فضیحه غصبه اجتماسارلی اقرار بله ثابت اولدیغندن قانون جزانک ایکویز اون سکرنجی ماده سنه توفیقاً اوچر سنه مدتله کورکه قوللرینه قرار و بر بله نك تفهیم قلمدیغنی حاوی بولنش و مذکور تبلیغنامه دخی خصوص مذکورک جریان محاکمه سبیله قانونه جهت تطبیق حقیقده اعتراضه محل کوریه مدیکی بیان ایلدیلشدر

اوراق ساره دخی مطالعه ایله کیفیتک تدقیقات تمیزیه سنه ابتدار اولدوقده متهمان مرقومان بو باده وقوع بولان اقرارلرینک کره ا و وقوعی برطاقم شاهدر ایله اثبات ایده جکرینی ادعا ایلش و بوشاهدلرک اسامی سنی مبین برقطعه بوسله اعطا ایتش و محاکمه جه بوجهتک بر درجه به قدر تدقیقات و محاکمه سنه کریشلش اولدیغنی حالده اعلام مذکورک قرار مجملنده بواعتراضک صحت و یا واهی حقیقده برکونه مذاکره جریان ایتدیکنه دأر اشارت کور بله مامش اولدیغندن بوجهتدن طولانی اصول محاکمات جزاییه قانونک اوچویز اون در دنجی ماده سنک ققره اخیره سی موجبجه اعلام مذکورک تقضیه و احکام قانونیه دأر سننده رؤیت کیفیت اولغنی اوزره اوراق مرقومه نك مجملنه اعاده سنه و خرج تعرف سنک قرقجی ماده سی موجبجه نقض خرجی اولان ایکویز غروشک اخذیه قرار ویرلدی

(فی ۱۴ ذی الحجه سنه ۱۳۰۰ و فی ۴ تشرین)
(اول سنه ۹۹ تاریخی و سکر یوز اوتوزیدی)
(عدلیه محاکمه تمیز جزا دأر سنندن و بریلان)
(اعلامک صورتیدر)

ارضروم ولایتی استیناف محاکمه سنک فی ۲۳ ربیع الاول سنه ۹۸ و فی ۱۲ مارت سنه ۹۷ تاریخی و ایکی نومرولی اعلامیه اوراق متفرعه سی ولایت مشار الیه مدعی عمومیلکندن فی ۳ جاذبی الاول سنه ۹۸ و فی ۲۱ مارت سنه ۹۷ تاریخی و او بر نومرولی تحریرات ایله ارسال و باش مدعی عمومیلک مأموریت بهیه سنندن دخی فی ۱۷ رجب سنه ۹۸ و فی ۲ حزران سنه ۹۷ تاریخی و در تیوزتیش بر نومرولی تبلیغنامه ایله محاکمه تمیز جزا دأر سنه اعطا قلمشدر

اعلام مذکور مالی ارضروم ملحق صنایع قریه لی مرزه خان اوغلی بزار حسینک خانه سی قپوسنی سوکدرک لیلان نفودی سمرقت ایتدکاری عندالمحاکمه ثابت اولان قریه مزبوره اهلایسندن اسعدک قانون جزانک ایکی یوز یکر منجی ماده سنه و مصطفانک دخی ایکویز او توننجی ماده سی ذیلنه توفیقاً اوچر سنه مدتله کورکه قوللرینه قرار ویرلدیکنی بیاندن عبارتدر تبلیغنامه دخی کیفیتک اصول ثبوتیه سبیله مرقوم اسعد حقیقده کوندریلان ماده قانونیه موافق ایسه ده مرقوم مصطفی فعل سمرقده مشرک اولوب قپونک صواسنی برلکده سوکش اولدیغنی اعلام مزبور مندرجاتندن و بنا برین حرکت مذکور ایکویز یکر منجی ماده به مطابق اولدیغنی امور واضحه دن ایکن ذیل مذکوره تطبیقده اصابت کور بله مدیکندن اصول محاکمات جزاییه قانون موقتک اوچویز قرقجی ماده سنه توفیقاً اعلامک تقضیه جزانک نوع و درجه سنک تحکیجی لازم کله جکی طلبنی حاویدر

اجرای تدقیقات تمیزیه به لیدی الابتدار مرقومان اسعد و مصطفانک فعل سمرقی مشترک ایتقاع ایتش اولدقلری حالده ایری ایری ماده ره توفیقاً جزا تعیین ایلدیلش اولسننده اصابت کور بله مدیکندن جهت

تطبيقه دنطولانی بر موجب تبلیغنامه قانون موقت مذکورک اوج یوز اون دردنجی مادهسی موجبیه ذکر اولنان اعلامک تقضنه وخرج تعرفه سنک قرقجی مادهسی ایجابنه تمیز اعلامی خرجی اولان ایکیبوز غروشک اخذ واستیفاسنه قرار ویرلدی

(۱۳ محرم سنه ۱۳۰۱ وفی ۲ تشرین ثانی)
(سنه ۹۹ تاریخی ویک التمش عددیله محکمه)
(تمیز جزا دائرهسندن ویریلان اعلامک)
(صورتیدر)

سلانیک ولایتی استیناف محکمه سی جزا دائرهسنک فی ۱۰ شعبان سنه ۹۷ وفی ۸ تموز سنه ۹۶ تاریخی ویکرمی ایکی نومرولی اعلامیله اوراق متفرعهسی ولایت مشار الیها مدعی عومیلکنندن باحکریات ارسال وباش مدعی عومیلک مأموریت بهیه سندن دخی فی ۹ شوال سنه ۹۸ وفی ۲۲ اغستوس سنه ۹۷ تاریخی والی یوز یتش سکر نومرولی تبلیغنه مه ایله محکمه تمیز جزا دائره سنه اعطا قلمشدر

اعلام مذکورک مالی اوچنجی اردوی همایون سواری برنجی الیک بشنجی بلوکی اونباشیلرندن مصطفانک کیفیت قتلندن طولانی جنایتله اتهام اولنان بلوک مذکور افرادنن فیلاتلی خورشیدک اجراقلنان محاکمه هلنیده ده مرقوم خورشیدک قتل قصدی اولقسزین اتمش اولدیغی طاشک مز بور مصطفانک قولانغی طوزینه اصابته متأثر اوفات ایتش اولدیغی اقراری و اخبارات و امارات ایله ثابت اولدیغندن مجرمیتنه وقانون جزانک یوز یتش یدنجی مادهسی ذیلنه توفیقاً بش سنه مدتله کورکه قونلسنه واعلام ومضبطه خرجلری اولان

اوچیبوز اون غروشک تحصیل اولنسنه حکم اولهرق تبلیغ قلدیغنی حاویدر

ذکر اولنان تبلیغنامه ده دخی اوراق مذکورده مطالعه سندن مستبان اولدیغی وجهله متهم مرقوم خورشید مصطفی اونباشی بی طاش ایله ضرب ایتدیکنی اقرار ولازو واحد و دیگر احدنام اشخاص عن مشاهده وعن سماع مذکور دیوان حربده کیفیتی اخبار ایدرک محلی محکمهسی بونکله بالتوقیف جرائمک صورت تحقیقه سنه دائر اولوب اصول محاکمات جزاییه قانونک کتاب اولنده فصول معلومه سنه معین اولان معاملاتک اجرا قلدیغنه دائر برصراحت اولماغله برابر بوبابده شاهد اولنلرک محکمه استینافیده استماعی قانون مذکورک فصل خامسنک قسم اولنده لازم ایکن بوجهته دخی رعایت ایدلماش دیوان حربلر دن تنظیم اولنه جق اوراق مدار حکم اولیوب مدار محاکمه اتخاذیله تحقیقات ومحاکماتک اصول محاکمه توفیق قواعد جاریه دن ایکن محکمه مذکورده اوراق مذکورده بی مدار حکم اتخاذ ایتش اولدیغنه وهیئت اتهامیه مضبطه سنده دخی فعلک تعریف مجملی وقانوناً قنغی نوع جرایمدن معدود اولدیغی مصرح اولدیغنه بناء اعلام مذکورک تقضی واتهام مضبطه سنک قمنغی طلب ایدلشدر

اوراق ساره دخی مطاعه ایله کیفیتک تدقیقات تمیزیه سنه لدی الابتدار ذکر اولنان هیئت اتهامیه مضبطه سنده فعلک تعریف مجملیه قانوناً جنایت نوعندن اولدیغنه دائر صراحت کافیه بولدیغندن ناشی بوجهت حقدنه اعتراضه محال کور بیه ماش ایسه ده اصول محاکمات جزاییه قانونک ایکیبوز ایتش بشنجی مادهسی موجبیه بوبابده اخبار ماده ایدجک شاهدلرک اثنای محاکمه ده جلب وعلناً استماعی لازم کلور ایکن بوقاعدهیه عدم رعایتله خصوص مذکورده دائر دیوان

حربجه طوتیلان اوراقلک مدار حکم اتخاذیله شاهدلر جلب واستماع اولنماش ومحاکمه جاریه حقدنه تبلیغنامه ده کوستریلان سائر احکام قانونیه به دخی توفیق معامله ایدلماش اولدیغندن قانون مذکورک اوچیبوز اون دردنجی مادهسی منظوقجه اعلام مزبورک تقضنه وخرج تعرفه سنک قرقجی مادهسی حکمنجه تمیز اعلامی خرجی اولان ایکیبوز غروشک اخذینه قرار ویرلدی

(فی ۲۳ محرم سنه ۱۳۰۱ وفی ۱۲ تشرین)
(ثانی سنه ۹۹ تاریخی ویک سکسان طقوز)
(عددیله محکمه تمیز جزا دائرهسندن ویریلان)
(اعلامک صورتیدر)

چتالجه بدایت محکمهسی جزا دائرهسنک فی ۲۹ ایلول سنه ۹۷ تاریخی والتمش اوج نومرولی اعلامیله اوراق متفرعهسی باش مدعی عومیلک مأموریت بهیه سندن فی ۲ رجب سنه ۹۹ وفی ۸ مایس سنه ۹۸ تاریخی وایکیوز یتش التی نومرولی تبلیغنامه ایله محکمه تمیز جزا دائره سنه اعطا اولمشدر

اعلام مذکور مالی سلوری قضالی نیقولا کینک چوبانلری ادرنه لی طنناش ولد اطام وحانظه قریه لی استاوری ولد غوریلک اغنام سوریلرینی ارپه تر لاسنه صالیوبر ملری اوزرینه بالنازعه ضرب وجرح اولنلرندن طولانی اتهام اولنان قضاء مذکورده تابع پانجمه قریه لی مختار عثمان ایله رفیقلری نیکبولی هاشم اوغلی محمد ومحمد اوغلی احدک فعل ضرب وجرحه جراثلری ومرقوم عثمانک ایضاع ایلدیکی ضربدن متأثر استاورینک وفات ایلدیکی عندالحا که تحقیق ایتش اولدیغندن

مرقوم عثمانک قانون جزانک یوز یتش یدنجی مادهسی ذیلنه تطبیقاً بش سنه مدتله کورکه قونلسنه ومرقومان محمد واحدک دخی قانون مذکورک یوز یتش سکرنجی مادهسنه تطبیقاً بر بقی سنه مدتله حبس اولنلرینه قرار ویرلدیکنی حاوی و تبلیغنامه دخی اساس دعاویدن معدود اولان وقانوناً تنظیمی لازم کلان محاکمه ضبطنامه سنده اصول محاکمات جزاییه قانون موقتک ایکیبوز الی برنجی مادهسی موجبیه متهم مرقومک استیجاب اولندیغنه صراحت کویله مدیکنه و یوز التمش دردنجی ماده موجبیه محکمه مزبوره هیئتی نقصان اولهرق درت کشی ایله تشکل ایلدیکنه بناء اوچیبوز اون دردنجی ماده موجبیه اعلام مذکورک تقضی طلبنی محتویدر

اوراق ساره دخی قرآتله تدقیقات تمیزیه اجرا اولندقدنه تبلیغنامه ده کوسترلیدیکی اوزره هیئت محکمه نک عدد قانونیستندن دون اولهرق یعنی درت ذاتن مرکب اولدیغی حالده محاکمه بی اجرا ایتش اولدیغی محاکمه ضبطنامه سندن مستبان اولدیغنه واصول محاکمه قانونک یوز التمش دردنجی مادهسی حکمنجه لوا بدایت محکمه لرینک رئیس ایله برابر بش ذاتن ترکب ایتسی لازم کلدیکنه بناء اساساً تقضی موجب اولان شو نقصانن طولانی تدقیقات سارهیه لزوم کورلمکسزین اوچیبوز اون دردنجی ماده قانونیه توفیقاً اعلام مذکورک تقضنه وتمیز اعلامی خرجی اولان ایکیبوز غروشک استیفاسنه قرار ویرلدی

(فی ۲۷ محرم سنه ۱۳۰۱ وفی ۱۶ تشرین ثانی)
(سنه ۹۹ تاریخی ویک یوز اوتوز طقوز نومرو)
(سیله محکمه تمیز جزا دائرهسندن ویریلان)
(اعلامک صورتیدر)

چنانچه بدایت محکمه سی جزا دائره سنک فی ۲۱ شعبان سنه ۹۸ وفی ۶ تموز سنه ۹۷ تاریخلی و اوتوز بش نومرولی اعلامیه اوراق متفرقه سی باش مدعی عمومیلک مأموریت بهبه سنندن فی ۵ ربیع الاول سنه ۹۹ وفی ۱۲ کانون ثانی سنه ۹۷ تاریخلی و بیک الی ایکی نومرولی تبلیغنامه ایله محکمه تمیز جزا دائره سنه اعطا قلمشدر (بقیه سی صکره)

اعلامات

فاطمه جیله خانمک حوا خاتم ذمتنده با اعلام شرعی الاجنئی اولان مبالغ معلومه تک تسویه سی ضمنده مر بوره تک عهده سننده بولنان فاتح جامع شریقی قر بنده حراجی محی الدین محله سننده دستره جیلر چارشو سننده اوتوز نومرولی وینه محله مذکوره ده میخ جیلر جا ده سننده اون ایکی واون درت نومرولی دکانرک نصف حصه لری وایوبده دوکجه جیلر محله و جا ده سننده واقع التی نومرولی بوستانک نصف حصه سی بالزایده ایرا یوز غروش حسابیه مذکور اوتوز نومرولی دکانک نصف حصه سی بیک بدیوز واون ایکی واون درت نومرولی دکانرک نصف حصه سی بیکر غروش و مذکور بوستانک نصف حصه سی دخی بشبیک غروش بدل ایله طالب لری عهده سننده تقرر ایش اولدیغندن تاریخ اعلاندن اعتباراً اوتوز برکونه قدر نظامی وجهله یوزده بش ضمیه زیاده به طالب اولنرک اعلامات شرعیه اجرا دائره سنه مراجعت ایملری اعلان اولنور فی ۳۱ کانون اول سنه ۹۹

دولتو صبحی پاشا حضرتلر تک یواکم میسایدلی وشبره جی عنکلی وترزی کیغورقه اوج قطعه اعلام موجبجه دینلری بولنان مبالغ معلومه تک تأمین استیفا سی ضمنده مشار الیه حضرتلر تک باباحن علی محله سنده صبحی بک زقاغنده کائن تخمیناً و تربیعاً ایکی بیک یوز اون اوج زراعندن عبارت بر طرفی حسن علی افندی تر به سی صاغ طرفی عرصه حالیه ارقه سی بکلکجی عطوفتونیازی افندی حضرتلر تک قونانغی و اوکی صبحی بک جاده سیله محدود درونده اشجار مثره و سبره واتی حاوی و درونده بولنان اخور و عربله ق محلی مستشنا اوله رق بالکر بش نومرولی بوستان محلی تاریخ اعلاندن اعتباراً اون بش کون صکره بالزایده فروخت اولنه جنئی در سعادت بدایت اجرا دائره سنندن اعلان اولنور فی ۲۹ کانون اول سنه ۹۹

عصمت افندی تک ۲۰ نومرولی اعلام موجبجه تلغراف و پوسته و زنه سنه دینی اولان مبالغ تسویه سی ضمنده رستم پاشا محله سننده کائن ایش چغورخان فوقایسنده متصرف اولدیغی طنوز و اون واون بر نومرولی اوج باب او طهر بالزایده بشبیک ایکیوز الی غروشه طالبی عهده سننده تقرر ایلمدیکنندن تاریخ اعلاندن اعتباراً اوتوز برکون طرفنده بدل مذکور اوزرینه یوزده بش ضمیه طالب اولنرک بک اوغلی اجرا مأمورینه مراجعت ایملری اعلان اولنور فی ۲۶ کانون اول سنه ۹۹

خدیده خانمک ۲۷ نومرولی اعلام موجبجه ام کلثوم خانمه دینی بولنان مبالغ معلومه تک تسویه سی ضمنده

مرهون اولوب فروختی مقرر اولان روم ایلی حصارنده قلعه دروننده جامع شریف زقاغنده طغوز نومرولی بر باب خانه بالزایده ایکی بیک یوز غروشه طالبی عهده سننده تقرر ایلمدیکنندن تاریخ اعلاندن اعتباراً اوتوز برکون طرفنده بدل مذکور اوزرینه یوزده بش ضمیه طالب اولنرک بک اوغلی بدایت محکمه سی اجرا مأمورینه مراجعت ایملری اعلان اولنور فی ۲۶ کانون اول سنه ۹۹

بقال دیمتر تک ۹۰ نومرولی اعلام موجبجه اونیک افندی به دینی اولان مبالغ معلومه تک تسویه سی ضمنده بک اوغلی قالیونجی قولغنده ماوی زقاغنده متصرف اولوب فروختی مقرر بولنان ۱۶ و ۱۸ نومرولی عرصه سی تاریخ اعلاندن اعتباراً اون بش کون صکره بالزایده فروخت ایتدیر یله جنئی بک اوغلی بدایت محکمه سی اجرا مأموریتی جانندن اعلان اولنور فی ۲۱ کانون اول سنه ۹۹

طقسان طغوز سنه سی اغستوسک اوتوزنجی صالی کیجه سی دولاب دره سی پولیس قومیسری ابراهیم افندی بی جرح و قتل ایملرندن طولانی مظنون علیه اولوب هیئت اتهامیه دن جنایتله اتهام اولنان موقوف اوستریالی چیرونک رفیق لری اولوب فرارده بولنان اوزون بویلی اچیق النلی اوزنجه برونلی الا کوزلی اورته اعزلی قرال صاچ و قاشلی صاری بکزی سویکه واورته بویلی اوفق برونلی الا کوزلی صاری صاچ و قاشلی واز یقلی غایت بیاض بکزی ساقرلی اندون وینه اورته بویلی اچیق النلی الا کوزلی اورته اغزلی

سبوری برونلی سیاه صاچ و قاشلی اسر بکزی و صاچ و یاخود صول قاشنک اوچنده بحاق یاره سی نشانه سی بولنان ایراقلی نام شخصلر شمیدی به قدر اله پکوریله مامش اولدقنندن اصول محاکمات جزاییه قانون موقتک اوچینوز یتیش برنجی ماده سی موجبجه تاریخ اعلاندن اعتباراً محکمه به کلری ضمنده کندولرینه طرف ریاستندن اونکون مهل ویرلمش اولغله مدت مذکوره طرفنده محکمه به کلک لری تقدیرده قانونه اطاعت ایتماش نظریله باقیله رق محاکمه غیایه لری بالا اجرا حقوق مدنیه دن اسقاط مالاری جزاییده جنئی و بوائنده برکونه اقامه دعویاه حق لری اوله میه جنئی و بولند ق لری محلری ییلنر خبر و برمه که و بالجمله ضابطه عدلیه مأمورلر تک کندولرینی طومغه مجبور بولند ق لری واخذ و کرف لری ضمنده اوامر مقتضیه اعطا قلمدیغی بیایله اعلان کیفیت اولنور فی ۲۷ کانون اول سنه ۹۹

بر رساله مضره تألیف و نشر ایتمسندن طولانی جنایتله اتهام اولنان فراری راهب بغوص نطانیان نام شخص شمیدی به قدر اله پکوریله مامش اولدیغندن اصول محاکمات جزاییه قانون موقتک اوچینوز یتیش برنجی ماده سی حکیمه توفیقاً قانونه اطاعتله محکمه به کلک اوزره جانب ریاستدن کندوسنه اون کون مهل ویرلمش اولغله هر قوم مدت مذکوره طرفنده محکمه به کلدیکی تقدیرده کندوسنه قانونه اطاعت ایتماش نظریله باقیله رق بونک محاکمه غیایه سی بالا اجرا اموالی جز و حقوق مدنیه دن اسقاط ایدیله جنئی و بوائنده برکونه اقامه دعویاه حق اوله میه جنئی و بولند ق لری محلی ییلنر خبر و برمه که و بالجمله ضابطه

عدليه مأمور لريك مرقومى طومتغ مجبور بولندقلرى
بيانيه اعلان كيفيت اولنور

في ۲۷ كانون اول سنه ۹۹

نؤلر فوض مطبعه سنه ۵ هجوم ايله مديرى مسؤلى
يونان دولتى تبعه سندن موسوقايدى بي قتل قصديه
جرح ايتلرندن طولايى هيئت اتهاميه دن جنائتله
اتهام اولنان غازينوجى هر مترك رفقاسندن اولوب
اخيراً فرار ايدن اورته بويلى چيل يوزلى قريلىقلى
اوفق برونلى قروجه چهره لي قره قاش وكوزلى
وقرجه صاحلى دولت مشار اليها تبعه سندن ميخال
اصول محاكمات جزاييه قانون موقتك او جيوز تيمش
برنجى مادهسى حكمنه توفيقاً قانونه اطاعتله محكمه به
كللى اوزره جانب رياستدن كندوسنه اون كون مهل
ويرلمش اولمغله مرقوم مدت مذكوره ظرفنده محكمه به
كلديكى حالده كندوسنه قانونه اطاعت ايتماش نظريه
باقيله رق بونك محكمه غيبايهسى بالاجرا اموالى حيز
وحقوق منيه دن اسقاط ايديله جكي وبواثنده بر كونه
دعوى اقامه سنه حق وصلاحيتى اوله ميه جغى وبولنديغى
محللارى ييلنلر خبر ويرمكه وبالجملة ضابطه عدليه
مأمور لريك على الاصول كندوسنى طومتغ مجبور
بولندقلرى بيانيه اعلان كيفيت ايديلور

في ۲۴ كانون اول سنه ۹۹

دولت عليه تبعه سندن مقرى قريه سنده مقيم غازينوجى
دارنده لي كيغورقك قريه مذكوره ده ساكن ايكن

خيبر بيت ايتش اولان واقامتكاھى نامعلوم اولان قصاب
ليؤنيدى اوغلى خرستو عليهنه اقامه ايلديكى الاجق
دعواسنك امر محاكمهسى شهر كانون ثاينك اون
بشججى بازار ايرتسى كوفى ساعت التى راده لرند
چكجه صغير محكمه بدايت حقوق دائره سنده اجراسى
مقرر بولنديغندن يوم ووقت مزبور ده مرقوم خرستونك
بالذات كلسى وياخود مصدق سنده بروكيل كوندرمى
لرورى ايكنجى دفعه اوله رق اعلان اولنور
في ۲۷ كانون اول سنه ۹۹

چكجه صغيرده بيوك حلقلى چفتك مستاجرلى
حمين افندى وحسن چاوشك فريقان كرامدن
سعادتلو خورشيد پاشا حليلهسى رقيه خانم افندى به
با اعلام محكوم به دينلرى اولان مبالغ معلومدك
تسويهسى ضمننده مديون مرقومانك چفتك مذكوره
مجبوز اولان اعلا جنسندن بر رأس يوغا و اوسط
جنسندن طنوز رأس طوسون و اوسط جنسندن
اوتوز بر رأس اينك و اون اوچ عدد بوزاغوكه
جماً الى درت رأس يوزتعبير اولنور حيوانات تاريخ
اعلانن اوچ كون صكره بالزايده فروخت اولنه جغى
مقرى قريه سنده واقع محكمه بدايت اجرا دائره سندن
اعلان اولنور

في ۲۸ كانون اول سنه ۹۹

مطبعة عامر ده طبع اولندى